



**BULEMBE MUBUFWAAFWI BWA MAYALE IJATIKIZYA BWEENDELIZI BWA
ZILENGWALEZA KU MILIMO YA, BUPONI BWABANYAMA BA MUSOKWE,
AMBOKUKKALWA MUCIINDI CA KUCINCA KWA MYUUWO MUCIBANDA CA
KAFUE FLATS MU ZAMBIA.**

MWEZI WA ITWI, 2025

BULEMBE BUFWAAFWI (EXECUTIVE SUMMARY)

Banyama ba musokwe, makkalilo abo, nseba abuponi bwa bantu mu cibanda ca Kafue Flats (KaF-Wild), Buponi bu kkalilila mu ciindi ca kucinca kwa myuuwo (KaF-Adapt).

Amuzyibe kuti pepa eeli lilembedwe mu bufwaafwi bwa zyipaanzi zzybilo zya Mayale ajatikizya Bweendelezi (ESMF) bwa zyilengwaleza (KaF-Wild) abukkale bwa bantu (KaF-Adapt) mucibanda ca Kafue Flats.

Kujana twaambo tunji, akubona malembe azulide, inga mwalanga kukansabwe ka:
<https://www.savingcranes.org/> naa <https://www.mgee.gov.zam/> naa www.mot.gov.zam/

Mfwulumende yacisi ca Zambia mucibeele ca Lusele (8) yajana mali kuzwa kumbunga itegwa Global Environmental Facility (GEF-8) kwiinda mu mbunga yaku cisi ca America ilanganya bukwabilizi bwa zilengwa Leza (WWF-US).

Aya mali aya kubeleka ku Milimo eyi:

- (1) Buponi bu kkalilila mu ciindi ca kucinca kwa myuuwo mu cibanda ca Kafue Flats (KaF-Adapt), azwa ku cibeela ca zyisi zytasumpukide (Least Developed Countries Fund).
- (2) Ku banyama ba musokwe, makkalilo aabo, nseba, abuponi bwa bantu mu cibanda ca Kafue Flats (KaF-Wild), azwa ku cibeela ca bukwabilizi bwa banyama bamusokwe busumpula (Wildlife Conservation for Development). Oyu mulimo ulaswaangana amilimo ibelekwa kale mu cibeela ca banyama bamusokwe nyika yoonse mboizulwa (Global Wildlife Program) mu GEF-6 a GEF-7.

Mulimo wa KaF-Adapt ulasololelwa a mutabi wa mfulumende ulanganya lusumpuko lukkalilila kwiinda mu zilengwaleza (Ministry of Green Economy and Environment-MGEE) kakuli Mulimo wa KaF-Wild ulasololelwa a mutabi wa mfulumende ulanganya izyameebeebe (Ministry of Tourism) kwiinda Mucibeele cilanga bukkale a bukwabilizi bwa banyama bamusokwe mucisi (Department of National Parks and Wildlife-DNPW). Imbunga ibeleka mulimo (Project) oyu mu cisi ca zambia nja International Crane Foundation (ICF) mucizuminano cakubelekela antoomwe camyaka makumi yobilo (20 years), cakasainanwa ambunga ya ICF, ambunga ya WWF mu Zambia, acibeela cilanga bukkale a bukwabilizi bwa banyama bamusokwe mucisi ca DNPW mu mwaka wa 2022. Eci cizuminano cijatikizya bweendelezi bwa masena akkalila banyama mu Lochinvar, mu Blue Lagoon amasena aazungulukide mu Kafue Flats (Game Management Area-GMA),

Kutegwa bukkale bwabantu, abube bwa zyilengwaleza ziyibikkilwe maano ciindi nokubambwa mayale aciindi cibeelwa mulimo, kweelede kuba lukwakwa kumicito.

Kweendelanya amilawo ya mucisi ca Zambia, milawo abweende bwa mbunga ya WWF (Safeguards Integrated Policies and Procedures-SIPP), kuyandika kuti mayale ajatikitya bube bwa zyilegwaleza a bukkale bwabantu (ESMF) abambwa. Mayale aya atantamuna naa acesya kunyonganisigwa kwa kubukkale bwabantu a bube bwa zyilegwaleza. Mayale (ESMF) aya apa malailile mapati ajatikizya nzila, bweende azyibeesyo ziyandika ku mulimo uyeeyelwa. Akaambo kaako, Mayale aaya apa kuti kube kulangisisya mukubamba imizeezo akupa malailile abuvuntauzyi mwaka a mwaka. Mayale (ESMF) aya apa kuti mitabi ya mfulumende ambunga zymwi zyalidwe, zybhone kuti malailile ayandika mukubona kuti micito amizeezo ya Milimo iyeeyelwa ijatikizya bukkale bwabantu abube bwa zyilengwaleza atobelwa kweendelanya amilawo ya mfulumende aya WWF.

Bupanduluzi Bwabusena Bwamulimo (Project Area Description).

Cibanda ca Kafue Flats ku mulonga wa Kafue ujanwa ku cooko ca Kumusanza (Southern Province), cisi mpocili akati (Central Province) a mu Lusaka (Lusaka Province) mucisi ca Zambia, cijisi busena bupati

bwa tusensa, azyitangazyiba amasena alobelwa muzyiindi zyimwi mu mwaka. Cibanda eeci ncamasena aloba atasiki ku 1 meter ciindi ca mainza akusiya bulongo busiya kwayuma ciindi ca cilimo, alo abweza cibeela cilampa 240km mubulamfwu a 50km mubufwaafwi. Mulimo (Project) ooyu uyakucitwa mucibanda ca Kafue Flats mucisi ca Zambia, cibeela ciyandisi cabuponi bwa zyilengwaleza akukwabilila milimo isiyene-siyene yalusumpuko mucisi. Busena bwa project eeyi bujisi makkalilo aabanyama bamusokwe obilo, (Blue Lagoon a Lochinvar), amasena azungulukide (Kafue Flats GMA) kubikkilizya a Nkala GMA ku Kafue National Park.

Cibeela ciloba mu Cibanda cilampa 240km mubulamfwu a 50km mubufwaafwi cizunguluka cibeela ca mulonga wa Kafue nkouli kunselelo, kutalikila ku damu lya Itezhi-Tezhi kusika ku damu lya Kafue Gorge. Magesi abambwa kuzwa mumulonga wa Kafue nkouli kunselelo, alasika kucibeela ca cisela (50%) ca magesi abambwa mucisi coonse ca Zambia. Nokuba kuti kuli kucinca kwabweende bwa meenda akaambo ka mazyiba naa madamu akabikkwa mbuli ya Itezhi-Tezhi alimwi a kucinca kwa myuuwo, Kafue Flats ncibanda mucitika Milimo yaandeene-andene. Zyivubwa zijanwa mu cibanda oomu zyilasika ku mweelwe wa 20% cisi coonse, inswi zyzubwa zysisika ku mweelwe wa 7%, ccuka ligayigwa kuzwa kunzibe zyilimwa mu cibanda ca Kafue Flats lisika ku mweelwe wa 40% ku ccuka lyoonse libambwa mucisi ca Zambia, kakuli mapopwe alimwa mucibanda eeci asika ku mweelwe wa 25% cisi coonse. Kujwe lyacibanda kujanwa dolopo lya Mazabuka a Kafue, bunji bwa meenda aazwa mu mulonga wa Kafue alabelesyegwa abalimi bapati balima nzimbe mbuli Zambia Sugar a Kafue Sugar company. Aambi ma Company abelesya meenda manji kuli Zambian Breweries, kwiinda mu company ya Busch InBev (AB InBev) a company ya Zambeef.

Mulimo (Project) ooyu uzulilwa ku mbaakani B mumilawo ijatikizya bukkale bwa bantu abube bwa zyilengwaleza ya WWF. Milimo ya mbaakani B, taijisi ntenda zyipati, nokuba kuti ciyandika kuba amayale atantamuna naa acesya kunyonganisigwa kwa kubukkale bwabantu a bube bwa zyilegwaleza.

Mbaakani ya Bweendelezi bwa bube Bwazyilengwaleza abukkale bwa bantu (ESMF Objectives)

Mbokunga milimo ini yeelede kubelekwa iyakuzyibwa biyo ciindi milimo yaakutalikwa, mapenzi akonzya kuba mu masena aandeene-andeene taazyibidwe kwa ciindi cino, aboobo, cakaba ciyandisiy kubamba malailile abweende bwakulanganya mapenzi akonzya kuba ajatikizya bube bwa zyilengwaleza abukkale bwa bantu mu ciindi ca bukutausi bwa Milimo mu masena aandeene-andeene.

Mbaakani zyitonkomene zya bweendelezyi bwa bube bwa zyilengwaleza abukkale bwa bantu (ESMF Specific Objectives) nzyeezyi:

- Kuvwuntauzya bubotu abubi bukonzya kujanika ku bube bwa zyilengwaleza abukkale bwabantu ciindi milimo yaakutalika, kusanganya a kubelesyegwa munkwela, (Sexual Exploitation), Kutudululwa (Abuse) alimwi aku dyakaizyigwa (Harrassment).
- Kuzubulula milawo amalailile ayandika ciindi cabukutausi bwa mulimo.
- Kutonkomeka milimo azyakucita zyeelede kuli baabo batola lubazu mu kubona kuti bweendelezyi bwa bube bwa zyilengwaleza abukkale bwa bantu (ESMF) bulacitwa.
- Kupa mizeezo anzila ziyandika kusoleka kucesya bukaka alimwi akukwazamuna bubotu.
- Kubamba nzila igwasya kwaandaanya milimo ikonzya kuleta ntenda akutondezya zyibebesyo zyabukwabilizyi zyeelede.
- Kubikka nzila zyakubelesya kulingula milimo mboyeenda azyibebesyo zyzisalidwe kuti naa zyibeleka kabotu.

- Kutondezwa ziyandika kujatikizya kuzubulula twaambo, kutakomana, kuyiisana alimwi abwaapauzi bwa mali ayandika kubeleka ku mulimo wabweendelezi bwa bube bwa zylengwaleza abukkale bwa bantu (ESMF).

Mbaakani ya Malailile Abweende-(Process Framework -PF Objectives)

Mulimo ooyu ubusya nguzu zya mulawo wa WWF, ujakizya kukasya kunjila mubusena a Kulonzegwa (Restriction to Access and Resettlement), nkaambo ulakonzya kukasya bantu kubelesya zylengwaleza ca mu mulawo naa pe, kapati mumacelelo alimwi amumasena bantu mobakutaukila milimo isiyene-siyene muni ankomwe zya mulonga wa Kafue, kusanganya atulonga tutila mumo. Aaya malailile abweende apandulula mbuli banamaleya bazulilwa mubusena mucitikila mulimo ooyu mbobakonzya kutola lubazu mukubamba mizeezo ya bubelesi, akuzuminana nzila zyeede kubelesyegwa kucesa bukaka buboola akaambo ka kukasyigwa kunjila mubusena. Kukasyigwa kunjila mubusena inga tikwaba, chita buyo kuti bantu bazumina inzila zymbi ziyibikidwe mu mayale akubambulula maumi abo (Livelihood Restoration Plan-LRP). Mizeezo wa malailile abweende (Process Framework) ngwa kubona kuti maumi abantu bajatikizyigwa amulimo ooyu taanyongani naa kubija kwiinda kusaanguna, pele kubona kuti nguzu (rights) akuyandisya kwabo kwalanganizigwa.

Mbokunga mulimo ooyi weede kugwasyiliza kusumpula bukkale bwa bantu, nciyandisi kuti bwaapauzi bwa bulumbu bwa Mulimo kubanamaleya bwalanganishigwa kapati. Mizeezo wa malailile abweende ngwakubona kuti kunyina kusiikizya kuliko, alimwi kweede kuba kweelana ciindi nokubambwa mayale amilimo mboiya kubeleka. Bweende oobu bulamalailile aatonkomeka nzila zya kucesa bukaka kwiinda mukubelekela antomwe abantu boonse bajatikizyigwa amulimo ooyu. Alimwi cilatondezwa kuti kufumbwa kucina kuyandika munzila banamaleya njobabelesya nguzu zya tunsiya-nsiya twabo mubusena bucitikila mulimo, tabasinikizyigwi biya pele bazuminana kwiinda mukubandisyanya. Kakutana citwa cili coonse, nzila zyoonse ziyakucesa bukaka ziyakubambwa kwiinda mukubelekela antomwe abanamaleya bajatikizyigwa a mulimo ooyu akulembwa mu mayale akubambulula maumi abantu (Livelihood Restoration Plan-LRP). Akati ka milimo iyeyelwa kubusya nguzu zya mulawo ujakizya kukasya kunjila mubusena a Kulonzegwa (Restriction to Access and Resettlement) nzyeezi:

1. Kweenga minyinda akubikka lukwakwa mumasena aamwi

Zyimwi ziyeele zyamunyinda ziyakukasya bantu ziyivwubwa kunjila mubusena.

Inzila ya kucesa bukaka (Mitigation).

Kuzumina kwa banamaleya akutola lubazu mukweenga minyinda kwiinda muli bamasibbuku, beendelezi ba cooko antomwe abeendelezi ziyilegwaleza (Community Resources Boards), akubikka nzila zymbi ziyazuminanwa.

2. Kubamba Zyooko mu mayale a bweendelezi (General Management Plan):

Zyimwi zyooko mumayale abweendelezi, ziyakukasya bantu kukkala mumo akweenda ceende-eende kwa ziyivwubwa abantu.

Inzila ya kucesa bukaka.

Kuzumina kwa banamaleya akutola lubazu mukubamba zyooko kwiinda muli bamasibbuku, beendelezi ba cooko antomwe abeendelezi ziyilegwaleza (Community Resources Boards), akubikka nzila amasena ambi azuminanwa.

3. Kubelesya mayale aalusumpuko lwa cilikiti (Implementation of Integrated District Plans-IDPs)

Amwi mayale alusumpuko lwa cilikiti alakasya kubelesya zyilengwaleza zyimwi zyizwa mucibanda amusyokwe munzila itali ya bunkutwe.

Inzila ya kucesa bukaka.

Kubelekela antoomwe abanamaleya akuzuminana mukubamba mayale alusumpuko lwa cilikiti (IDPs) kujatikizya kukasyigwa kukonzya kuba.

4. Kusyanga akumizya nsangwa zya bwizu mumacelelo (Folder Growing and Reseeding Grasslands).

Kukasyigwa ooku kulakonzya kuba ciindi nokulindilwa bwizu kuti bukomene akuvwula mumacelelo

Inzila ya kucesa bukaka.

Kusensemunana akuzuminana akati kabanamaleya ciindi nokubambwa akuzuzikizya nzila yalugwasyo.

Nzila iibelesyegwa aBwakucita (Approach and Methodology)

Muzeezo wakubamba mayale a bweendelezi bwa bube bwa zyilengwaleza abukkale bwa bantu (ESMF), wakali wakutondezya bukaka bukonzya kuba kuzwa ku Milimo yakayalwa akupa nzila zyeede kubucesya. Nzila zyakabeleka kutegwa mbaakani eeyi ikonzyeke, nzya buvwuntauzi kwiinda mukubuzya bantu (qualitative research) abulembe mu myeelwe (quantitative research.)

Buvwuntauzi bwakacitika mboobu:

a) Kuvuntauzya malembe ajatikizya milawo ya mucisi ca Zambia amilawo ya WWF yalo yaamba kuti, kufwumbwa bukaka buletwa akaambo ka mulimo, weede kuzyibwa, akujaninwa nzila yakuleya naa kucesa bukaka oobo.

Kujatikizya milawo ya mucisi ca Zambia, kwakalanganisigwa milawo itonkomana ambaakani ya mulimo, aboobo milawo eeyi njiya kubelesyegwa kukwabilila bantu bajatikizyidwe mubusena muya kucitikila mulimo ooyu. Akaambo kakuti WWF nje mbunga yeendelezya mulimo ooyu, milawo yabo (Safeguards Integrated Policies and Procedures-SIPP) ayalo ila belesyegwa. Milawo yakavuntauyigwa njeeyi:

- i. Mulawo ulanganya kucesa bukaka ku zyilengwaleza akubukkale bwa bantu.
- ii. Mulawo ulanganya bukwabilizi bwa masena aakkala zyilengwaleza
- iii. Mulawo ulanganya kukasya kunjila mubusena a Kulonzegwa.
- iv. Mulawo ulanganya bantu basyajanita (Indigenous People).
- v. Mulawo ulanganya nseba zya banamaleya, abukwabilizi.
- vi. Mulawo ulanganya zyibelesyo zya tunsiya-nsiya.
- vii. Mulawo ulanganya kukobelesa zyintu anzila yakucesya kutakkomana akati ka banamaleya.
- viii. Mulawo ulanganya bweendelezyi bwa tuuka tuletela bukaka.
- ix. Mulawo ujakizya ku buzyana-buzyana a banamaleya abuzubuluza bwa twaambo.
- x. Mulawo utondezya banamaleya mbobakonzya kutola lubazu.

b) Malembe aamayale abweendelezyi bwa bube bwa zyilengwaleza abukkale bwa bantu (ESMF) antoomwe amalailile aabweende (PF) ziyijana nguzu kuzwa kumibandi yabanamaleya yakacitika mumasena oonse mucitikilwa mulimo ooyu.

Nzila zyaku bandisyanya zyakabikwa mumayale ajatikizya banamaleya mbobakonzya kutola lubazu mumibandi (Stakeholder Engagement Plan SEP). Aaya mayale (SEP) atondezya bweende mbuli banamaleya abamwi bajatikizyidwe a mulimo ooyo mbobakonzya kutola lubazu mulimo kautana talikwa, kutegwa kuyandisisya kwabo, zyaabilo zyabo, amaumi abo atanyonganisyigwi. Kuti mubuvuntauzi bwa mwaka amwaka kwajanika kuti kuli bukaka bwaba akaambo ka milimo icitwa, banamaleya baleelede kubungikwa antoomwe milimo kaitana zumanana kutegwa bazuminane akujana nzila yakumana naa kucesya bukaka. Kucesya bukaka kuzwa ku Mulimo, micito alangilwa ku nyonganya bube bwa zyilegwaleza, nyika, meenda naanka banyama ba musokwe, naanka kunyangwa nguzu naa kukasigwa kunjila mubusena bantu mobaponena, inga capa kuti kube kubamba nzila itonkomene yeendelezya bube bwa zyilengwaleza abukkale bwa bantu (ESMP) naa nzila ya kubambulula buponi bwa bantu (LRP). Banamaleya beelede kutola lubazu mumibandi ya kubuzyana-buzyana, mbaabo balangilwa kujana bukaka kuzwa kumicito inyonganya buponi bwabo akaambo kakuti kunyina nobakatola lubazu akuzuminana milimo yeelede kucitwa. Bantu bapengede akusalululwa baleelede kutola lubazu mumibandi ijatikizya milimo. Aaba bantu bapengede akusalululwa mbaamakaintu (kapati bamuka bafwu, amikwasyi yeendelezyegwa abamakaintu), bakubusyi, balema, bamacembele (kapati mikwasyi yeendelezyegwa amuntu omwe), mikwasyi micete amisyobo iimbi. Kutegwa kube kusangana muccilanwa lya kubandisyana, nciyandisi kubelesya nzila zyinjaanji kuzyibya bantu boonse kuti batole lubazu kwiinda mukwaambilizya, muli sikapepele wacisi, anamacaaca, azyimwi. Nzila amalailile akubandisyanya alilembedwe mumayale ajatikizya banamaleya mbobakonzya kutola lubazu mumibandi (Stakeholder Engagement Plan SEP).

Mulawo amalailile ayendelezya bube bwa zyilengwaleza abukkale bwa bantu (Environmental and Social Policy, Regulations and Guidelines.)

Mfwulumende yacisi ca Zambia yapa milawo amalailile manji asumpula nzila zya kweendelezya zyilengwaleza ambokuponwa ciindi cakucinca kwa myuuwo. Atala amulawo wa WWF (Safeguards Integrated Policies and Procedures-SIPP), imwi milawo yakalangwa-langwa njeeyi: mulawo wacisi mboceelede kusumpuka kusika mu mwaka wa 2030 (Vision 2030), Mayale alusumpuko alusele (Eight National Development Plan 2022-2026), Mulawo Wabweendelezi bwa nswi wa mumwaka wa 1974, Mulawo ulanganya zyilengwaleza (National Policy on Environment), 2009, Ceililanwa lijatikizya cisi mboceelede kulibambila muciiindi cakucinca kwa myuuwo (2007), Kulibambila bwiinguzi muciiindi cakucinca kwa myuuwo mucisi ca Zambia (2010), Mulawo wa cisi ujakizya kucinca kwa myuuwo (2016), Mizeezo iizuminidwe yakulwana kucinca kwa myuuwo mucisi (2016; 2020), Mayale Yabili yakwabilila zyilegwaleza mucisi (2015) alimwi a mulawo ucibambwa wakucinca kwa myuuwo (2021).

Kuli aimbi milawo mbuli:

1. Mulawo wa bweendelezyi bwa zyilengwaleza (2011).
2. Mulawo ujakizya buvuntauzi bwa bukaka kuzyilengwaleza
3. Mulawo ulanganya minsamu ya tuuka azyintu zykola (1994)
4. Mulawo ulanganya kunyonganisigwa kwa meenda 1993
5. Mulawo wa bweendelezyi bwa nyika 1995
6. Mulawo wa mfulumende yamuzyilikiti
7. Mulawo ulanganya buyobozyi bwatunsiya-nsiya
8. Mulawo ulanganya buyobozi bwa zyilengwaleza
9. Mulawo ulanganya malwazi azisyango akulwana tuuka 1959
10. Mulawo ulanganya misyobo ya zyisyango ambuto 1968
11. Mulawo ulanganya nseba zya banamaleya

12. Mulawo ulanganya mayale abubambe bwa madolopo
13. Mulawo ulanganya bweendelezyi bwa meenda # 21 of 2011
14. Mulawo ulanganya bweendelezyi bwa masamu 2015
15. Mulawo wacisi ulanganya kucesa myuuwo mibyaabi akaambo kakugonka masamu citali mumulawo (Zambia National REDD+ Strategy)
16. Mulawo wa bweendelezyi bwa nyika 1995 (2012-2030)
17. Mulawo wa meebeebe amaanda abeenzu (Tourism and Hospitality Act) 2015.

Bukaka buyeeyelwa kuba mu project anzila zyakubucesya (Identified Project ESS potential Risk and mitigation measures.)

Kuvuntauzya akubandisyanya abanamaleya kwakacitika ciindi mayale amulimo naakabambwa, kwakazubululwa bukaka bunji bokonzya kujanwa mubukutausyi. Akati kabukaka bukonzya kuba mboobu:

i. Kunyonganisigwa kwa tunsia-nsiya.

Kubeleka mulimo ooyu kulakonzya kunyonganya masena atunsia-nsiya ajanika mukati kabusena buya kucitikila mulimo.

Inzila ya kucesa bukaka.

Kubelekela antoomwe abanamaleya, masena oonse mayandisi atunsia-nsiya akabonwa akubikkwa mubulembe bwa mayale a bweendelezi, calo ciya kugwasyilila kukwabilila masena aaya ciindi cabukutausyi.

ii. Nguzu Zyabantu (Bukaka bwakujatilwa amukosi-Elite Capture Risk)

Kulalangilwa kuti bantu basumpukide inga baakudyakaizya bantu banyina ngunzu calo cikonzya kupa kuti batabi abulumbu bubelede kuzwa ku mulimo ooyu.

Inzila ya kucesa bukaka.

Banamaleya boonse bayakutola lubazu mububambe akusensekana kwa nzila zyakusala zyeelanya.

iii. Kusumpula akweelanya nguzu zyabamakaintu

Kusalulula bamakaintu nkunji kapati mucisi alimwi kuli kwiindana kupati basankwa abamakaintu mu lwiiyo, kuba anyika anzila zya buponi. Eezi zyoonse zilakonzya kukwazamunwa abukutausyi bwa mulimo ooyu kuti naa nzila yabukwabilizi akucesa tiyalanganisiyigwa.

Inzila ya kucesa bukaka.

Kusumpula nzila zyakubandisyana abanamaleya kwiinda mukubamba mayale aasumpula akweelanya nguzu zyabamakaintu cakutasalulula.

iv. Milawo Ikwabilila Nguzu Zyabana

Milawo ikwabilila nguzu zyabana taili iyandisi kapati mumulimo ooyu, pele kuli bukaka bukonzya kuba kuti bana batalika kutola lubazu mu mimilimo yeelede kubeleka abazyali babo.

Inzila ya kucesa bukaka.

Banamaleya boonse bayakutola lubazu mububambe bwa nzila zyeelanya zyakusala bantu beelede kujana caabilo amilimo yabuponi bwabo kakunyina kusalulula baabo balaabana, pele kukasya budyakaizi bwanguzu zyabana.

v. Bukaka bwa kutamvwana

Kutamvwana kulakonzya kuba akati kabamagemu abanamaleya akaambo ka kusumpulwa kwa bukwabilizyi.

Inzila ya kucesya bukaka.

Kuyiisya bamagemu bubelesi bubotu bujatikizya bukwabilizyi bwanguzu zyangantu ciindi nibabeleka abanamaleya.

vi. Bukaka bujatikizya nseba and bukwabilizyi bwabanamaleya

Kukobelesa cakulya citali mumulawo kuzwa mumasena aakkala banyama cilakonzya kuleta bukaka kubanamaleya akaambo ka kusumpulwa kwa bukwabilizyi. Kutamvwana kulakonzya kuba akati kabamagemu abanamaleya akaambo ka kusumpulwa kwa bukwabilizyi calo cikonzya kuletela ntenda. Kunjizya bakubusyi milimo kugusya zyisyango zinyonganya makkalilo azyilengwaleza, cilakonzya kuleta ntenda aboobo cipa kuti milawo ikwabilila babelesyi ibelesyegwe.

Inzila ya kucesya bukaka.

Mayale akusensemuna banamaleya kumakani akukwabilila banyama bamusokwe, akupa nzila zyanguboni bukkalilila zyangambwa akuzuminanwa. Kupa luziyibo lwakulikwabilila kulibaabo boonse balaamulimo wakugusya zyisyango zinyonganya makkalilo azyilengwaleza. Kuyiisya bamagemu antoomwe abanamaleya bubelesi bubotu bujatikizya bukwabilizyi bwanguzu zyangantu.

vii. Kucinca kwa myuwo.

Cilobe a ciyuma-yuma cilakonzya kwiindilizya penzi yakubula cakulya, kudyaaminina bamakaintu akubelesya zyilengwaleza citali mumulawo.

Inzila ya kucesya bukaka.

Mayale akusensemuna banamaleya kujatikizwa mbokuponwa mucuindi cakucinca kwa myuwo ambobankonzya kupona kwiinda mukubelesya nzila zyangimbi zya bukkale. Kusumpula nzila zyangubandisyana abanamaleya kwiinda mukubamba mayale aasumpula akweelanya cakutasalulula.

Nzila Yakucesya Kutamvwana (Grievance Redress Mechanism-GRM)

Nzila yakucesya akumana kutamvwana mu mulimo ooyu iya kweendelezegwa a Project Management Unit (PMU). Mubelesyi (Gender Officer) uzulilwa ku PMU ulanganya kweelanya akukwabilila nguzu zyangantu, ngunakubweza twaambo twakutamvwana tujatikizya mulimo akutubamba. Kusikila PMU ikabikkwe, banamaleya inga babona ba **David Titus Banda**, ba **Community Relations Manager** mumbunga ya **International Crane Foundation** ku cell: **+260979537273** naa email: **davidb@savingcranes.org**. Malailile abubelesi bwa GRM alipedwe mu ESMF amu SEP.

Kuzubulula:

Banamaleya boonse bajatikizyidwe ku milimo eeyi baya kwaambilwa ziyandika kuzwa ku mayale abweendelezyi bwa bube bwazyilengwaleza abukkale bwa bantu (ESMF). Aaya mayale akabambwa kwiinda mukubandisyana abanamaleya bajatikizyidwe amulimo ooyo. Aboobo beelede kuya kuzubulwidwa twaambo ootu mulimo kautana talika awaakutalika.

Miswaangano yakubandisyana amfwulumende yakacitwa muzyibeela zyangatwe. Kwakali miswaangano yabapati muumfulumende (National), ku province, akucilikiti, kakuli yabanamaleya yalo yakali muzyibeela zyangobilo: Bamami babulongo alimwi abantu biyo banamaleya. Miswaangano

eeyi yakali kujatikizya kuswaya bamami akuswaanganya banamaleya ciindi lyakali kubambwa mayale aamulimo. Bakaliko ku miswaangano yabuleya mbaasimabbuku, beendelezi bazyooko, balimi, bamakaintu kuzwa munsangano, bakubisiyi alimwi abeendelezya zyilengwaleza muzyooko, (CRBs).

Miswaangano yakacitika Njeeji.

Chieftdom	District	Site	Details
Mwanachingwala	Mazabuka	Palace	Meeting with Chief Mwanachingwala
Mwanachingwala	Mazabuka	Mwanachingwala	Meeting with the Mwanachingwala community members
	Mazabuka	District Administration	Meeting with District Commissioner & District Staff
	Monze	District Administration	Meeting with District Commissioner & District Staff
Choongo	Monze	Palace	Meeting with Chief Choongo
Choongo	Monze	Choongo	Meeting with the Choongo community members
	Monze	Lochnivar DNPW Offices	Meeting with Warden & Staff in Lochinvar National Park
	Choma	Provincial Administration	Meeting with Permanent Secretary & Provincial staff
Hamusonde	Monze	Palace	Meeting with Chief Hamusonde
Hamusonde	Monze	Hamusonde	Meeting with the Hamusonde community members
Nalubamba	Namwala	Chamber	Meeting with Chief Nalubamba
Nalubamba	Namwala	Nalubamba	Meeting with the Nalubamba community members
Mungaila	Namwala	Palace	Meeting with Chief Mungaila
Mungaila	Namwala	Mungaila	Meeting with the Mungaila community members
	Namwala	District Administration	Meeting with District Commissioner & District Staff
	Itezhi tezhi	District Administration	Meeting with District Commissioner & District Staff
Musungwa	Itezhi tezhi	Palace	Meeting with Chief Musungwa
Musungwa	Itezhi tezhi	Musungwa	Meeting with the Musungwa community members
Muwezwa	Itezhi tezhi	Palace	Meeting with Chieftainess Muwezwa
Muwezwa	Itezhi tezhi	Muwezwa	Meeting with the Muwezwa community members
Shezongo	Itezhi tezhi	Palace	Meeting with Chief Shezongo
Shezongo	Itezhi tezhi	Shezongo	Meeting with the Shezongo community members
	Mumbwa	Blue Lagoon DNPW Offices	Meeting with Warden & Staff in Blue Lagoon National Park
Shakumbila	Mumbwa	Palace	Meeting with Senior Chief Shakumbila
Shakumbila	Mumbwa & Shibuyunji	Shakumbila	Meeting with the Shakumbila community members
	Mumbwa	District Administration	Meeting with District Commissioner & District Staff
	Shibuyunji	District Administration	Meeting with District Commissioner & District Staff

Malailile atondezya bubambe bwa mayale abweelendeleyi bwa bube bwazyilengwaleza abukkale bwa bantu (ESMP).

Aaya malailile azubulula ibukaka bukonzya kuba akaambo kabukutausyi butonkomene, alatondezya ntaamu inga yabwezegwa kutantamuna naa kucesa bukaka. Alimwi malailile aaya alazubulula bukutausyi mbobuya kweendeleyegwa kusanganya abweendeleyi bwamitabi, Milimo yakucita, kukwabana, kubandisyanya, anzila yakumwaya twaambo. ESMP yeelede kubelesyegwa mu mulimo ooyu iya kulembwa a PMU ciindi milimo yaa kutalika.

Bulinguzi bwa Bukutausyi (Monitoring).

Kubelesya ESMF mubulinguzi bwa bukutausyi ciya kupa kuti milimo ibelekwa kayeendelana a malailile. Ziyiyandika kucitwa kutegwa malailile a ESMF atobelwe nzyeezyi.

Kucibeela ca Mulimo (Project Level)

Kuzwidilizya bweende bwa ESMF abulinguzi bwa kutobela malailile amayale abubelesi bwa kukwabilila zyilengwaleza abukkale bwa bantu zyiimvwi ali PMU. Mubelesyi (Gender Officer) uzulilwa ku PMU ulanganya kweelanya akukwabilila nguzu zyabantu, ngunakubweza twaambo twakutamvwana tujatikizya mulimo akutubamba. Alimwi unakulingula nzila yakumana naa kucesa kutamvwana akubona kuti yabeleka kabotu. Mubelesyi ooyu, nguuna kulemba akutola twaambo kubapati-pati (PMU-Project Manager, National Steering Committee & WWF GEF Agency).

Cibeela Cizuzikizya Bweende Bwa Milimo-(GEF Implementing Agency Level)

Imbunga ya WWF US GEF Agency mbuli mbunga yeendeleya, alimwi a mutabi wa mfulumende ulanganya lusumpuko lukkalilila kwiinda mu zilengwaleza mu Zambia (MGEE) amutabi wa mfulumende ulanganya izyameebembe (Tourism) yalo mitabi eeyi kaili mbobasicuuno ca National steering committee, bajisi mulimo wakubona kuti malailile a ESMF oonse atobelwa.

Bwaapauzi bwa mali-Budget.

Mali abubelesi bwa ESMF mbuli kubbadela bantu banyonganisigwa akaambo ka Milimo, aya kubbadelwa kuzwa kubwaapauzyi. Kabunga ka National Steering Committee and PMU tuyakubona kuti mali ayeelede abikkwa aambali kutegwa abelesyegwa mukucesa bukaka kweendelana a malailile a ESMF. Milawo abweende bwa ESMF bujatikizya biyo milimo ipedwe mali kwiinda mu GEF.